



Divus Stanislaus Kostka S.I.

Callenberg, Caspar

Neuhusii, 1716

Ichnographia Poetica totius opusculi, quam quis admotis facibus propriis
inspiciens, ad D. Stanislaum umbratili hīc schemate obiter depictum,
exclamat: An Fallor Tva Deceptivs Vmbra? Senec in Hercule ...

[urn:nbn:de:hbz:466:1-69536](#)

ICHNOGRAPHIA POETICA

totius opusculi, quam quis admotis facibus propriis inspiciens, ad D. STANISLAUM umbratili h̄ic scheme obiter depictum, exclamat:

AN FALLOR TVA DECEPTVS VMBRA?

Senec. in Hercule fur. (hoc & sequentia Chronica annum compositi libelli preferunt.)

SUBSCRIPTIO:

Cælum Kostka tenet; nihil h̄ic nisi cælitis
(umbra est,

Ettamen hæc medio plus micat umbra die.

Virtus cùm pingi nequeat; depinximus umbram

Virtutis : soles indicat umbra suos.

Sunt Kostkam claro, qui scribant sanguine cretū:

Angelus ast unquam sanguine Cretus ubi est?

Majores quæris ? caruit Majoribus. & qui ?

Totius generis Maximus ipse fuit.

Maximus ipse fuit, Polonus esto Monarchas

In ceris habeat, Moscoviosq; Duces.

Inter avos esto, magnos belliq; domiqt;

Heroas numeret; maximus ipse fuit.

Massoviam Divi Patriam, qui dixerit, errat:

Nam Cælum patriam cælitis esse scias.

Mater Kriska fuit; Matrem tamen ille Mariam

Dixit : si dixit vera, bimater erat.

Grandia *Kriskaum* præeunt *miracula partium* :
 Et solet hos Prodromos nil, nisi grande sequi.
Prægnans Mater erat ; Matris (mirabile dictu)
Impressum JESU, dum caro *nomen* habet.
 Vendicat apposito *JESUS* sibi nomine fœtum :
 Nondum *natus* erat Kostka, *sacratus* erat.
 Gratia Joannes: * natum Joanne Parente,
 Gratia progeniem, quis neget esse, tuam ?
In decimo sexto (numeres si Sæcula) vixit :
In folio laudes scribere nemo queat.
 Dum paritur, vertit se *quinquagesimus annus* ;
 Annus hic omen habet : cur? *Jubilæus* erat. (a)
Frigidus infantem primùm *Septentrio* vidit ;
 Vedit, & insolitis plausibus *incaluit*.
Scilicet octavum plaudit venisse *Trionem*,
 Et terris *Helicen* irradiare novam.
 Candida tergeminæ Nato nent stamina *Parce* :
 Nēsse scias *parcas*, stamina *curta* fluunt.
 Undevicennali currit pro tempore fusum
 Claudi *tonga brevi* tempore vita potest.
 Carmina tum Phœbus fudisse genethlia fertur :
 Talia semideis fundere Phœbe soles.
 Ipsa recens nato sua præbuit ubera *Virtus* :
 Pascitur (ô mirum !) *Virgine lacte* puer.

Pinxi-

* Joannes primam producit, qui aper *w* scribitur.
 (a) jubilæus non à jubilo, sed à *jobel* derivatur :
 corripiro primam & secundam cum Mantuano.

◎ ◎ ◎

Pinxit infantem : quis cætera ? solus *Apelles*
Pingere, vel certè solus *Apollo* queat.
Kostka puer senuit; prævertit moribus annos,
In puer virtus semper *adulta* fuit.
Pulchrè peccavit : turbavit fructibus ævum ;
Dum daret *Autumnum*, tempora *Veris* erant.
Huic hemistichion quadres : *Tua messis in herba*
Provenit in *Kostka messis & herba simul.* (est.)
Dum puer assuecit, quas erigit ipse met, aris :
Erigit has aliis ? erigit an' ne sibi ?
Aras (usque adeo à teneris assuescere multum est)
Queis puer assuevit, jam quoque funct⁹ amat.
Sæpe Puer cecidit : *levis illum fabula stravit* :
Vel puer *gravius* nil levitate fuit.
Exanimis cecidit fugitiva mente : fit *amens*
Ut ne fiat *amans* : quām sine mente sapit !
Dum cecidit, credo semper cecidisse *supinum* :
A cœlis oculos vertere non poterat.
Vulserat hunc studiis ab utroque *Vienna* Parente:
Matris *Musa* fuit, Patris *Apollo* vice.
Heic mala declinat, Virtuti conjugat Artes :
Inter Grammaticos quis neget esse *Probus*?*
Olli quæ pietas! pulcrum pia vita poëma est :
Fingere nescierit *Kostka*, Poëta fuit.
Flectere qui potuit *Superos*, *Acheronta* movere,
Dic mihi flexanimus quid nisi *Rhetor* erat ?

A 5 Flexit

* *Probus celeberrimus grammaticus.*

Flexit (& in morbo) Superos, Acherontaq; movit:
 Fortior in morbo (credite) Kostka fuit.
 Aggreditur stratum morbo , stratūmq; grabato
 Tartarus; haud stratum dicite; victor erat.
 Damone devicto geminus tibi Kostka ministrat.
 Angelus : an Christi gloria facta tua est ?
 Gloria facta tua est : major tibi gratia facta est;
 Illi dat panem, dat tibi, Kostka, Deum.
 Ægrum tam blandè quæ visit Diva Clientem,
 Non ea, credo, fuit Barbara, Blanda fuit.
 Barbara si fuerit, discordant nomina factis,
 Aut blandam exercet Barbara barbariem.
 Curatus quid non tentas? cœlūmq; solūmq;
 (Ut JESU sociis annumerere) moves.
 Qui sic ad sacros Juvenis grassaris honores,
 Vis dicam quid sis? ambitiosus homo es,
 Ambitiosus homo es; talisq; vocabete mundo,
 Heu ! paucos socios ambitionis habes.
 Sed Stanislao junxit cur Austria Paulum?
 Juncta riget teneræ spina molesta rose ;
 Aspera junguntur raris conchylia gemmis ;
 Nec minus est auro scoria juncta suo ;
 Junguntur juvēni prædura statumina viti;
 Lappaq; se segeti jungere sæpe solet.
 Cur Romam peregrinus abit? sibi judicat esse
 Exilium in Patria, Patriam in exilio.
 Assequitur tandem nudum, sua gaudia, Christū;
 Hunc puer à cunis pæne secutus erat.

◎ ◎ ◎ 11 ◎ ◎ ◎

Adlegitur *sociis* : adlegit Borgia, *Sancto*
Sancte nequis *Juvenis* non placuisse *Seni*.
Tirones inter *mirus* fit Kostka *Magister* ;
Ut flerent oculos, erudit ille suos.
Denis præterea Tiro quid mensibus egit ?
Supremam meritis addidit ille *manum*.
Post decimum *nono* Juvenem mors conficit *anno*:
Dum merita aspexit, credidit esse *senem*.
Virginis Assumptæ, si nescis, nocte recessit;
Assumpsit natum, *Virgo Maria* suum.
Eternos adiit *colles* è *colle Quirini* ;
Altis assuetus collibus, alta petit.
Depluit in varios post mortem dona *Cientes*:
O utinam tali sæpius *imbre* pluat !

ICHNOGRAPHIA Historico-Oratoria Stylo soluto D. Stanislaum adumbrans.

A Nngelum, sed mortalem ; Solem, sed in
Septentrione natum ; Virginem, sed mas-
culam ; Senacionem, sed octodecennalem : Na-
tu minorem Mariæ filium, cœli in terris delici-
um, novam *Corona Borealis* gemmam, novam
Poli Arctici Cynosuram hic damus, dum damus
D. Stanislaum Kostkam. Quem Sanctum? in-
quies :